

纪晓岚评文心雕龙

江苏广陵古籍刻印社



I 201.62

7

南朝梁·劉勰

清·紀曉嵐

紀曉嵐評文心雕龍

江蘇廣陵古籍刻印社

龍雕心文評嵐曉紀

江蘇廣陵古籍刻印社出版發行

(揚州市鳳凰橋街 24-6 號)

邗江古籍印刷廠印刷

開本: $787 \times 1092 \frac{1}{32}$

印張: $13 \frac{3}{8}$

1997 年 7 月第一版

1998 年 6 月第二次印刷

印數: 1001 - 2000

定價: 20.00 圓

SGBH 7 - 60101 - 223 - 4 / K · 20

文心雕

龍十齋

道光十三年冬
禁於兩廣節署

粵東翰墨園藏板
省城

南史本傳

劉勰字彥和、東莞莒人也、父尚、越騎校尉、勰早孤、篤志好學、家貧不婚娶、依沙門僧祐居、遂博通經論、因區別部類、錄而序之、定林寺經藏、勰所定也、梁天監中、兼東宮通事舍人、時七廟饗薦已用蔬果、而二郊農社猶有犧牲、勰乃表言二郊宜與七廟同改、詔付尚書議、依勰所陳、遷步兵校尉、兼舍人如故、深被昭明太子愛接、初勰撰文心雕龍五十篇、論古今文體、其序畧云、子齒在邇立、嘗夜夢執丹漆之禮器、隨仲尼而南行、寤而喜曰、大哉、聖人之難見也、迺小子之垂夢歟、自生靈以來、未

有如夫子者也、敷讚聖旨、莫若注經、而馬鄭諸儒、弘之已精、就有深解、未足立家、唯文章之用、實經典枝條、五禮資之以成、六典因之致用、於是搦筆和墨、乃始論文、其爲文用四十九篇而已、旣成、未爲時流所稱、勰欲取定於沈約、無由自達、乃負書候約於車前、狀若貨鬻者、約取讀、大重之、謂深得文理、常陳諸几案、勰爲文、長於佛理、都下寺塔、及名僧碑誌、必請勰製文、敕與慧震沙門、於定林寺撰經證、功畢、遂求出家、先幡鬚髮、自誓、敕許之、乃變服、改名慧地云、

梁史藝文志
有辛氏文必
雕龍注書雖
不傳亦宜引
爲緣起不得
以子庚爲始
始也

劉舍人文心雕龍一書、蓋茹苑之秘寶也、觀其苞羅羣
籍、多所折衷、於凡文章利病、抉摘靡遺、綴文之士、苟欲
希風前秀、未有可舍此而別求津逮者、若其使事遣言、
紛綸葳蕤、罕能切究、明代梅子庚氏爲之疏通證明、什
僅四三耳、畧而弗詳、則創始之難也、又句字相沿既久、
別風淮雨、往往有之、雖子庚自謂校正之功、五倍於楊
用修氏、然中間脫訛、故自不乏、似猶未得爲完善之本、
余生平雅好是書、偶以暇日、承子庚之綿蕞、旁稽博攷、
益以友朋見聞、兼用眾本比對、正其句字、人事牽率、更
歷暑寒、乃得就緒、覆閱之下、差覺詳盡矣、適雲間姚子

平山來藩署、因共商付梓、方今

文治盛隆、度越先古、海內操奇觚、弄柔翰者、咸有騰聲
飛實之思、竊以爲劉氏之緒言餘論、乃斯文之體要存
焉、不可一日廢也、夫文之用在心、誠能得劉氏之用心、
因得爲文之用心、於以發聖典之菁英、爲

熙朝之黼黻、則是書方將爲魚兔之筌蹄、而又況於瑣
瑣箋釋乎哉、時

乾隆三年歲次戊午秋九月北平黃叔琳書

此書校本、實出先生、其注及評、則先生客某甲所爲、
先生時爲山東布政使、案牘紛繁、未暇徧閱、遂以付

之妙平山晚年悔之已不可及矣、長山聶松巖云、
此注不出先生手、舊人皆知之、然或以爲出盧紹弓、
則未確、紹弓館先生家、在乾隆庚午辛未間、戊午歲
方游京師、未至山東也、

古漢京師未王山東也
根木輪蹄口滑次上塞外並劉與千辛未開為千靈
曲去不用次坐千萬人皆取之然西以故出而後已
之無平山而平無之已不而矣矣其山靈公報云

例言 六條

黃叔琳崑圃述

一此書與顏氏家訓余均有節鈔本顏書已刻在前細思此書難於裁節上篇備列各體一篇之中遡發源釋名目評論前製後標作法俱不可刪薙者下篇極論文術一一鏤心銑骨而出之真不愧雕龍之稱更未易去取也今仍錄全文中加圈點則係節鈔之舊讀者可一覽而得其要

一諸本字句互有異同擇其義之長者用之仍於本句下注明一作某或元作某字從某改或元脫從某補另刻元校姓氏一紙於卷首

此篇出於偽託義門爲阮華山所欺耳

一隱秀一篇脫落甚多諸家所刻俱非全文從何義門校正本補入

一梅子庚音注流傳已久而嫌其未備後得王損仲本援據更爲詳核因重加攷訂增注什之五六尙有闕疑數處以俟博雅者更詳之

一升庵批點但標辭藻而略其論文之大旨今於其論文大旨處提要鉤元用○○于其辭藻纖穠新雋處或全句或連字用、、於其區別名目處用△△以志精擇

一此書分上下二篇其中又自析爲四十九篇合序志

一篇、篇共五十、今依元本分十卷、注釋例於每篇之末、偶有臆見、附於上方、其參攷注之得失、則顧子尊光、金子雨叔、張子實甫、陳子亦韓、姚子平山、王子延之、張子今涪、及諸同學之力居多、

之張千今部又請同學之次錄之

米金千兩銀千貫而刺千夜歸銀千平山至千張
未附錄訓具棚外土式其參列於之替尖眼銀千
一蓋銀共五十八分元木代十卷其錄附外再錄之

文心雕龍元校姓氏

楊慎

字用修

焦竑

字弱侯

朱謀瑋

字鬱儀

曹學佺

字能始

王一言

字民法

許天敘

字伯倫

謝兆申

字耳伯

孫汝澄

字無撓

徐燭

字興公

沈天啟

字生子

柳應芳

字陳父

俞安期

字羨長

王嘉弼

字青蓮

王嘉丞

字性凝

張振豪

字雋度

葉遵

字循甫

許延祖

字無念

鍾惺

字伯敬

商家梅

字孟和

欽叔陽

字愚公

龔方中

字仲和

許延禪

字無射

鄭育驥

字開孟

陳陽和

字道育

程嘉燧

字孟陽

李漢燧

字孔章

徐應魯

字宗孔

曾光魯

字古狂

孫良蔚

字文若

來逢夏

字景禹

王嘉賓

字仲觀

後學儒

字醇季

梅慶生

字子庚

王惟儉

字損仲